

Byenvini.

Mèsi paske w kontakte Biwo pou Moun ki gen Andikap Devlopmantral yo (OPWDD). Nou espere ede w jwenn sèvis ou bezwen yo. W ap jwenn yon Dosye Byenvini ki gen enfòmasyon enpòtan ki pral gide w atravè pwosesis Pòt Devan an.

Pi ba a gen yon lis verifikasyon etap kle ou bezwen ranpli pou jwenn sèvis OPWDD yo. Ou pral jwenn plis detay sou chak etap nan pwochen paj la. Si w pa sèten ki kote w ye nan pwosesis la oswa si w gen nenpòt kesyon, tanpri kontakte Fasilite Pòt Devan w lan:

(Non Fasilite Pòt Devan an)

(Nimewo Telefòn)

(Adrès Imèl)

Si w resevwa lèt sa a, se paske pwobableman ou te deja fè premye etap la: Etabli Premye Kontak ak Pòt Devan an. Si se konsa, pwochen etap enpòtan an, si ou poko fè sa, se kontakte epi chwazi yon Òganizasyon Kowòdinasyon Swen oswa Ajans Aksè Sèvis pou ede w ak pwosesis sa a. W ap jwenn enfòmasyon sou òganizasyon sa yo nan Dosye Byenvini ou an.

	Etap Kle Pòt Devan yo Tanpri gade nan do a pou plis detay sou etap sa yo	Nòt	Moun pou Kontakte
	Etabli Premye Kontak avèk OPWDD atravè Pòt Devan an		
	Chwazi yon Òganizasyon Kowòdinasyon Swen (CCO) oswa Ajans Aksè Sèvis (SAA)		
	Etabli Elijiblite pou OPWDD		
	Gade Videyo Pòt Devan yo		
	Kolabore ak OPWDD pou konplete yon Evalyasyon sou Bezwen Sèvis yo		
	Elabore Plan Lavi ou nan kolaborasyon ak Jesyonè Swen ou epi mande sèvis yo		

Premye Kontak

Lè w kontakte Pòt Devan OPWDD lokal ou a, y ap mande w kèk enfòmasyon debaz tankou adrès ou, kowòdone w ak pi bon moman pou kontakte w. Tanpri avize Pèsonèl Pòt Devan an si ou bezwen tradui dokiman yo ak entèprete konvèsasyon nan yon lòt lang. Moun w ap pale ak li a ap dekri pandan yon ti tan Pòt Devan an ak pwosesis elijiblite a.

Kowòdinasyon Swen

Kontakte yon Òganizasyon Kowòdinasyon Swen (CCO) oswa Ajans Aksè Sèvis (SAA) se yon etap enpòtan nan pwosesis sa a. Ajans sa yo responsab pou ede w aplike pou elijiblite pou OPWDD a. Si yo konsidere w elijib pou OPWDD epi ranpli kondisyon enskripsyon CCO yo, CCO w chwazi a pral ba w yon Jesyonè Swen. Jesyonè Swen ou an ap ede w devlope Plan Lavi w epi konekte w ak sèvis OPWDD ou bezwen yo.

Elijibilite

Si w pa deja elijib pou OPWDD, w ap bezwen bay sèten dokiman ak evalyasyon pou w ka detèmine si w elijib. Nan kèk ka ou ka bezwen nouvo evalyasyon ak/oswa revizyon. Ajans CCO oswa SAA w la pral ede w avèk pwosesis elijibilite an epi soumèt aplikasyon pou elijibilite pou OPWDD ou an pou ou.

Videyo Pòt Devan yo

Videyo Pòt devan yo ki disponib sou sitwèb OPWDD a (opwdd.ny.gov/get-started) eksplike pwosesis pou w vin elijib pou sipò ak sèvis OPWDD yo, ki kalite sipò ak sèvis ki disponib ak fason pou jwenn asistans. Yon manm fanmi oswa yon defansè ka gade videyo yo pou ou. Dosye Byenvini ou an gen yon depliyon ki dekri videyo sa yo ak ki jan pou w jwenn aksè ak yo sou entènèt. Ou ka gade videyo yo nenpòt ki lè pandan pwosesis Pòt Devan an men li pi bon si ou gade yo nan kòmansman pwosesis la.

Evalyasyon sou Bezwen Sèvis yo

Pou resevwa sèvis nan men OPWDD, lwa eta a egzije pou yon evalyasyon OPWDD chwazi pou yo ka egzamine ak anrejistre pwen fò ak bezwen w yo. Anplwaye Pòt devan yo pral ranpli yon **Pwofil sou Andikap Devlopmantral (DDP2)** avèk ou, epi w ap travay tou ak Pèsonèl OPWDD yo pou satisfè **Bezwen ak Fòs Timoun ak Adolesan yo (CANS)** si ou poko gen lane oswa **Sistèm Evalyasyon Kowòdone (CAS)** a si ou gen 18 lane oswa plis. Sèvis OPWDD yo pa ka apwouve jiskaske evalyasyon obligatwa yo fin konplete.

Elabore yon Plan Lavi

Ou pral travay avèk Jesyonè Swen ou (CM) pou idantifye epi planifye sèvis ak sipò ki pi byen satisfè bezwen w yo. Asire w ou pataje enterè w ak sèvis ak sipò w deja resevwa yo, sipò fanmi w ak kominote w, sa w ap fè kounye a, ak plan w genyen pou lavni. Jesyonè Swen ou an ap chèche jwenn apwobasyon nan men OPWDD pou sèvis ou bezwen yo epi ede w idantifye founisè yo pou bay sèvis ak sipò ki endike nan Plan Lavi w la.